

Pahibalo

Petsa: Nobyembre 17, 2019

Ngadto sa: Mga General Authority; Kinatibuk-ang Opisyaes;
Mga Area Seventy; ug ang mosunod nga mga
piniling-pinulongan nga mga yunit: Mga Presidente sa
Stake, Mission, ug District; Mga Bishop ug Mga Branch
President; Mga Miyembro sa Mga Konseho sa Stake ug Ward;
Mga Ginikanan sa Kabataan ug Kabatan-onan

Gikan sa: Priesthood ug Family Department (1-801-240-2134)

Hilisgutan: Kabataan ug Kabatan-onan—Kinatibuk-ang Pagpasabut ug mga Kanunayng
Gipangutana

ANG SIMBAHAN NI
JESUKRISTO
SA MGA SANTOS
SA ULAHING MGA ADLAW

Diha sa Nobyembre 17, 2019, nga Face to Face nga sibya, Si Elder Gerrit W. Gong ug ang Kinatibuk-ang Opisyaes mipakigbahin og dugang nga mga detalye mahitungod sa usa ka bag-o nga paningkamot nga giulohan og Kabataan ug Kabatan-onan sa Ang Simbahan ni Jesukristo sa mga Santos sa Ulahing mga Adlaw. Kini nga paningkamot mopuli sa tanan nga anaa nga kalihokan ug mga programa sa kalampusan. Kini mopokus sa pagtabang sa matag bata ug batan-on sa pagsunod sa ehemplo sa Manluluwas. Ang impormasyon nga gipakigbahin sa Face to Face nga sibya gidetalye sa gisukip nga dokumento niini nga pahibalo.

Ang kabataan ug kabatan-onan (kadtong mag-edad og 8–18 sa 2020), nga gisuportahan sa ilang mga ginikanan ug mga lider, moimplementar sa nakasentro sa panimalay ug gisuportahan sa Simbahan nga Kabataan ug Kabatan-onan nga paningkamot sa Enero 1, 2020, sa mga yunit diin gipamulong ang mosunod nga mga pinulongan: ASL, Cantonese, Cebuano, English, French, German, Hiligaynon, Ilokano, Italian, Japanese, Korean, Mandarin, Portuguese, Russian, Samoan, Spanish, Tagalog, ug Tongan.

Ang Face to Face nga kalihokan mipaila og bag-ong kanta alang sa kabataan, nga anaa sa childrenandyouth.ChurchofJesusChrist.org. Ang kalihokan mipaila usab og bag-ong kanta ug video nga nagpakita sa 2020 nga tema sa kabatan-onan. Kini ug ang ubang mga kapanguhaan sa tema sa kabatan-onan anaa na karon sa Iningles ug sa dugang nga mga pinulongan sa youth.ChurchofJesusChrist.org.

Kabataan ug Kabatan-onan— Kinatibuk-ang Pagpasabut ug mga Kanunayng Gipangutana

Gisukip sa Nobyembre 17, 2019, nga pahibalo

ANG SIMBAHAN NI
JESUKRISTO
SA MGA SANTOS
SA ULAHING MGA ADLAW

Ang Kabataan ug Kabatan-onan sa Ang Simbahan ni Jesukristo sa mga Santos sa Ulahing mga Adlaw mao ang usa ka bag-ong paningkamot sa pagtabang sa nagtubo nga henerasyon nga malig-on ang ilang pagtuo kang Jesukristo ug mouswag subay sa dalan sa pakigsaad samtang ilang atubangon ang mga hagit sa kinabuhi. Kini mopokus sa pagtabang sa matag bata ug batan-on sa pagsunod sa ehemplo sa Manluluwas ug sa balansing paagi molambo sa espirital, sosyal, pisikal, ug intelektwal nga mga paagi (tan-awa sa Lucas 2:52).

Sugod sa Enero 1, 2020, Ang Kabataan ug Kabatan-onan mopuli sa tanan nga anaa nga kalihokan ug mga programa sa kalampusan. Kadtong gusto nga mokompleto sa Katungdanan ngadto sa Dios, Hugot nga Pagtuo diha sa Dios, ug Personal nga Kauswagan kinahanglang mokompleto sa mga kinahanglanon sa dili pa ang Enero 1, 2020. Kon ang kabataan o kabatan-onan nagkinahanglan og dugang nga panahon, ang mga ganti ma-anaa hangtud Marso 1, 2020. Ang Kabataan ug Kabatan-onan mopuli usab sa Scouting sa Enero 1, 2020, sa mga dapit diin ang Simbahan mipasiugda og mga yunit sa Scouting.

Ang bag-o nga Kabataan ug Kabatan-onan nga paningkamot naglakip og tulo ka mga area sa pagpokus:

- Pagkat-on sa ebanghelyo
- Pagserbisyo ug mga kalihokan
- Personal nga kalamboan

Duha ka matang sa simbolo ang nalakip niini nga paningkamot: mga simbolo sa pagkahisakop, nga madawat sa matag bata ug batan-on sa tuig nga siya mag-edad og 8, 12, ug 18; ug ang mga simbolo sa kalampusan, diin ang kabatan-onan makadawat pinaagi sa pagpaningkamot sa pagsunod sa Manluluwas pinaagi sa pagtuman sa pipila ka piho nga nag-unang mga ekspektasyon (tan-awa sa “Kalampusan” sa ulahing bahin niini nga dokumento).

Kini nga paningkamot nakasentro sa panimalay ug gisuportahan sa simbahan. Ang mga pamilya motino unsaon paggamit sa labing maayo kining mga area sa pagpokus diha sa panimalay.

Kinatibuk-ang Pagpasabut alang sa Kabataan

Sugod sa Enero sa tuig nga sila mag-edad og otso, gidapit ang kabataan nga moapil sa Kabataan ug Kabatan-onan sa Ang Simbahan ni Jesukristo sa mga Santos sa Ulahing mga Adlaw. Ania kon unsay mahitabo niini alang kanila.



Sa sinugdanan sa matag tuig, ang bishop mobisita sa klase sa Primary sa kabataan nga mag-otso anyos ug mo-welcome nila ngadto sa mga Kabataan ug Kabatan-onan. Atol sa diskusyon, mohatag siya sa matag bata og duha ka mga simbolo: usa ka singsing ug usa ka hulagway sa templo. Ang matag bata makadawat usab og kopya

Kabataan ug Kabatan-onan—Kinatibuk-ang Pagpasabut ug mga Kanunayng Gipangutana

Gisukip sa Nobyembre 17, 2019, nga pahibalo

sa [*Personal nga Kalamboan: Giya nga Basahon sa Kabataan*](#). Ang mga ginikanan ug mga sakop sa kapangulohan sa Primary mahimong motambong niini nga pagbisita.

Isip kabahin sa Kabataan ug Kabatan-onan, ang kabataan moapil sa mosunod:

Pagkat-on sa Ebanghelyo

Sa panimalay, ang kabataan magtuon sa mga kasulatan sa ilang kaugalingon ug uban sa ilang mga pamilya. Ang [*Dali, Sunod Kanako—Alang sa mga Indibidwal ug mga Pamilya*](#) giandam na aron makatabang niana nga pagtuon. Sa simbahan, ang kabataan mopalambo sa unsay ilang nakat-unan sa panimalay samtang magtuon sila sa mga kasulatan uban sa ilang klase sa Primary. Ang mga materyal sa leksyon makita diha sa [*Dali, Sunod Kanako—Alang sa Primary*](#).

Pagserbisyo ug mga Kalihokan

Ang kabataan moapil sa pagserbisyo ug mga kalihokan uban sa ilang mga pamilya. Agig dugang, ang kabataan (sugod sa tuig nga sila mag-edad og 8) kanunay usab nga magkita alang sa mga kalihokan sa Primary. Sa kasagaran, ang kabataan i-organisar pinaagi sa paggrupo sa mga ka-edad [age-groups], ug ang batang mga lalaki ug ang batang mga babaye maglahi-lahi sa pagtagbo—apan mahimo silang magtipon para sa piho nga mga kalihokan o sa mga dapit nga adunay pipila lamang ka mga bata. Ang mga kalihokan sa Primary kasagaran himoon duha hangtud sa upat ka higayon matag bulan. Kon ang gilay-on ug gasto, kaapiki sa panahon, kasiguroan, ug uban pang mga kahimtang makahimo niini nga iskedyul nga dili praktikal, ang mga kalihokan sa Primary mahimong dili himoon kanunay.

Sa pakigtambayayong uban sa bishopric, ang kapangulohan sa Primary morekomend og mga miyembro nga tawagon isip mga lider sa kalihokan sa Primary. Kini nga mga lider pwede nga ang mga magtutudlo sa Primary o laing mga miyembro sa ward o branch. Dili mominos sa duha ka lider ang motambong sa matag kalihokan. Ang mga lider pweding duha ka babaye, duha ka lalaki, o magtiayon. Ang mga lider mokompleto sa pagbansay sa protectingchildren.ChurchofJesusChrist.org.

Ang mga lider sa kalihokan magplano og makalingaw ug makapaintereres nga pagserbisyo ug mga kalihokan nga mag-ugmad og mga pagpamatuod, molig-on sa mga pamilya, ug mopasiugda ug personal nga pag-uswag. Kinahanglang balanse ang mga kalihokan sa upat ka mga area sa pagtubo: espiritwal, sosyal, pisikal, ug intelektwal.

Ang tibuok gabii [overnight] nga mga kamping dili ipahigayon alang sa kabataan. Hinoon, ang lokal nga mga lider mahimong mopili sa paghimo og usa ka adlaw [day camp] nga mga kamping alang sa kabataan sa Primary nga apil sa Kabataan ug Kabatan-onan.

Ang mga ideya sa pagserbisyo ug kalihokan alang sa panimalay ug sa simbahan anaa sa childrenandyouth.ChurchofJesusChrist.org ug, sa sinugdanan sa 2020, sa Gospel Living nga app.

Personal nga Kalamboan

Ang kabataan mohimo og mga tumong sa pagpalambo sa espiritwal, sosyal, pisikal, ug intelektwal nga paagi. Ang mga ginikanan ug mga lider, kon gikinahanglan, motabang sa kabataan aron makadiskubre, makaplano, makabuhay, ug makapamalandong sa ilang tinagsa-tagsa nga piniling mga tumong. Dayon ang kabataan modiskubre ug mohimo og mga bag-ong mga tumong. Ang kabataan mahimong mobuhay og daghang tumong kutob sa ilang gusto, apan giawhag sila sa pagbuhay

Kabataan ug Kabatan-onan—Kinatibuk-ang Pagpasabut ug mga Kanunayng Gipangutana

Gisukip sa Nobyembre 17, 2019, nga pahibalo

og dili mominus usa ka tumong sa matag usa sa upat ka mga area matag tuig. Ang kabataan, nga gisuportahan sa mga ginikanan, mahimong mopili sa paggamit sa [*Personal nga Kalamboan: Giya nga Basahon sa Kabataan*](#) sa paghimo ug pagrekord og mga tumong.

Ang mga ideya para sa tumong anaa sa giya nga basahon, sa childrenandyouth.ChurchofJesusChrist.org, ug, sa sinugdanan sa 2020, sa Gospel Living nga app.

Kinatibuk-ang Pagpasabut alang sa Kabatan-onan

Sugod sa Enero sa tuig nga sila mag-edad og 12, ang kabatan-onan mobalhin ngadto sa mga korum sa Aaronic nga Pagkapari ug sa mga klase sa Young Women. Ania kon unsay mahitabo sa Kabataan ug Kabatan-onan alang kanila.



Ang batan-ong mga lalaki makadawat og usa ka singsing gikan sa ilang kapangulohan sa korum. Ang batan-ong mga babaye makadawat og usa ka medalyon gikan sa ilang kapangulohan sa klase. Agig dugang, atol sa interbyu, ang bishop mohatag sa matag batan-on og usa ka sudlanan sa rekomend sa templo. Ang matag batan-on makadawat usab og kopya sa [*Personal nga Kalamboan: Giya nga Basahon sa Kabatan-onan*](#).

Isip kabahin sa Kabataan ug Kabatan-onan, ang kabatan-onan moapil sa mosunod:

Pagkat-on sa Ebanghelyo

Sa panimalay, ang kabatan-onan magtuon sa mga kasulatan sa ilang kaugalingon ug uban sa ilang mga pamilya. Ang [*Dali, Sunod Kanako—Alang sa mga Indibidwal ug mga Pamilya*](#) giandam na aron makatabang niana nga pagtuon. Sa simbahan, ang kabatan-onan mopalambo sa unsay ilang nakat-unan sa panimalay ug sa seminary samtang sila magtuon uban sa ilang klase sa Sunday School ug korum sa Aaronic nga Pagkapari o klase sa Young Women. Ang mga materyal sa leksyon makita diha sa [*Dali, Sunod Kanako—Alang sa Sunday School*](#) ug [*Dali, Sunod Kanako—Alang sa mga Korum sa Aaronic nga Pagkapari ug mga Klase sa Young Women*](#).

Pagserbisyo ug mga Kalihokan

Ang kabatan-onan moapil sa pagserbisyo ug sa mga kalihokan uban sa ilang mga pamilya. Agig dugang, ang kabatan-onan magkita usab kanunay (kasagaran sinemana) alang sa mga kalihokan sa Young Women, mga kalihokan sa korum sa Aaronic nga Pagkapari, ug mga kalihokan sa kabatan-onan (kon magtipon). Kon ang gilay-on ug gasto, kaapiki sa panahon, kasiguroan, ug uban pang mga kahimtang makahimo niini nga iskedyul nga dili praktikal, mahimong dili sila kanunay magkita apan kasagaran kinahanglang magkita dili mominos kada bulan. Alang sa dugang nga impormasyon, tan-awa sa “Pagserbisyo ug Kalihokan nga mga Sumbanan alang sa Kabatan-onan” sa AaronicPriesthoodQuorums.ChurchofJesusChrist.org ug YoungWomen.ChurchofJesusChrist.org.

Usa ka tigtambag [adviser] ug mga specialist, kon gikinahanglan, ang tawagon alang sa matag korum ug klase agi og dugang sa mga sakop sa bishopric ug kapangulohan sa Young Women aron anaay dili mominos duha ka hamtong nga mga lider sa matag kalihokan. Ang hamtong nga mga lider mokompleto sa pagbansay diha sa protectingchildren.ChurchofJesusChrist.org.

Kabataan ug Kabatan-onan—Kinatibuk-ang Pagpasabut ug mga Kanunayng Gipangutana

Gisukip sa Nobyembre 17, 2019, nga pahibalo

Ang mga kapangulohan sa korum ug klase, uban sa tabang sa ilang mga hamtong nga mga lider, magplano ug moimplementar og makalingaw ug makapainteres nga pagserbisyo ug mga kalihokan nga maka-ugmad og mga pagpamatuod, makalig-on sa mga pamilya, ug makapasiugda ug personal nga pag-uswag. Kinahanglang balanse ang mga kalihokan sa upat ka mga area sa pagtubo: espirituwal, sosyal, pisikal, ug intelektwal.

Angig dugang sa kanunay nga mga kalihokan sa kabatan-onan, ang kabatan-onan moapil usab sa:

- Alang sa Kalig-on sa Kabatan-onan (AKK) [FSY] nga mga komperensya (tan-awa sa fsy.ChurchofJesusChrist.org).
- Ang komperensya sa kabatan-onan o ang trek [malisud nga panaw] dili himoon sa mga tuig nga anaay AKK [FSY] nga komperensya.
- Tinuig nga mga kamping sa Young Women ug mga kamping sa korum sa Aaronic nga Pagkapari.
- Dugang nga tibuok gabii nga mga kamping ug mga kalihokan, kon mahimo.

Alang sa dugang nga impormasyon, tan-awa sa AaronicPriesthoodQuorums.ChurchofJesusChrist.org ug YoungWomen.ChurchofJesusChrist.org. Ang mga ideya sa pagserbisyo ug kalihokan anaa sa childrenandyouth.ChurchofJesusChrist.org ug, sa sinugdanan sa 2020, sa Gospel Living nga app.

Personal nga Kalamboan

Ang kabatan-onan mohimo og mga tumong sa pagpalambo sa espirituwal, sosyal, pisikal, ug intelektwal nga paagi. Ang mga ginikanan ug mga lider, kon gikinahanglan, mahimong motabang sa kabatan-onan nga makadiskubre, makaplano, makabuhat, ug makapamalandong sa ilang tinagsa-tagsa nga piniling mga tumong. Giawhag ang kabatan-onan sa pagkompleto og dili mominus duha ka tumong sa matag upat ka mga area matag tuig. Ang kabatan-onan mahimong mopili sa paggamit sa *Personal nga Kalamboan: Giya nga Basahon sa Kabatan-onan* o sa Gospel Living nga app aron mohimo ug morekord og mga tumong.

Ang mga ideya para sa tumong anaa sa giya nga basahon, sa childrenandyouth.ChurchofJesusChrist.org, ug, sa sinugdanan sa 2020, sa Gospel Living nga app.



Sa sinugdanan sa tuig nga sila mag-edad og 18, ang batan-ong mga lalaki makadawat og usa ka sudlanan sa lana nga magamit nila human sila i-orden ngadto sa Melchizedek nga Pagkapari. Ang batan-ong mga babaye makadawat og usa ka pendant nga mahimong idugang ngadto sa kwentas sa ilang medalyon.

Kalampusan



Atol sa tuig nga ang usa ka batan-ong lalaki o batan-ong babaye mag-edad og 18, siya (uban sa mga ginikanan kon gusto) adunay oportunidad usab nga makigkita sa bishop sa paghisgot sa iyang pag-uswag. Niini nga sitwasyon, ang bishop mopresentar og usa ka sertipiko gikan sa Unang Kapangulohan ug kristal sa Kabataan ug Kabatan-onan, nga adunay hulagway sa Manluluwas. Ihatag niya kining mga simbolo sa kalampusan

Kabataan ug Kabatan-onan—Kinatibuk-ang Pagpasabut ug mga Kanunayng Gipangutana

Gisukip sa Nobyembre 17, 2019, nga pahibalo

ngadto sa kabatan-onan nga naglambo sa pagkahimong mas mahisama sa Manluluwas pinaagi sa kasamtangang pagpaningkamot sa:

- Pagtuon sa mga kasulatan ug pag-ampo sa matag adlaw.
- Pagpakatakus sa usa ka rekomend sa templo nga may limitasyon ang paggamit.
- Pag-apil sa mga miting sa Igpapahulay, buluhaton sa korum o klase, ug seminary.
- Pagtrabaho sa mga tumong sa matag area sa kalamboan.
- Pagserbisyo sa uban sa personal nga makahuluganong paagi, nga mahimong maglakip og usa ka proyekto sa pagserbisyo.

Ang bag-ong mga kinabig, kadtong kinsa dili aktibong nag-apil sa Kabataan ug Kabatan-onan o sa Simbahan, ug kadtong dili mga miyembro sa Simbahan mahimong makadawat sa mga simbolo sa kalampusan sa tuig nga sila mag-edad og 18 kon sila *kasamtangang nakapokus* sa mga sumbanan sa pagkadisipulo nga gi-outline sa ibabaw.

Sa moabot nga mga bulan, ang sertipiko mahimong maprinta gikan sa lcr.ChurchofJesusChrist.org.

Mga Kanunayng Gipangutana

Sa ubos mao ang mga tubag sa mga pangutana sa kabataan, kabatan-onan, mga ginikanan, ug mga lider mahitungod niining bag-o nga paningkamot. Apan, tungod kay kini nga paningkamot gituyo nga mapahiangay ngadto sa mga indibidwal, daghang mga pangutana ang matubag pinaagi sa pagtinguha og personal nga inspirasyon.

Kinatibuk-ang mga pangutana

Unsa ang kinahanglang modeterminar sa pokus sa pagserbisyo ug mga kalihokan?

Ang pagserbisyo ug mga kalihokan kinahanglang mabalanse sa tanang upat ka area sa pagtubo (espiritwal, sosyal, pisikal, ug intellectual) nga gisugyot sa Lucas 2:52 ug maggikan sa mga panginahanglan ug interes sa mga indibidwal, pamilya, korum, klase, ug mga grupo sa kalihokan sa Primary. Mahimo nilang ipaila ngadto sa kabataan ug kabatan-onan ang bag-ong mga kasinatian, motudlo kanila og mga kahanas sa kinabuhi, ug tabangan sila nga matuman ang ilang mga katungdanan sa pagkapari ug mga responsibilidad sa pakigsaad. Kon makatabang man ugaling, ang usa ka kalihokan usahay posibling makasuporta sa usa ka indibidwal, pamilya, o grupo nga tumong.

I-monitor ba sa mga ginikanan ug mga lider ang mga tumong nga gihimo sa kabatan-onan ug kabataan?

Dili. Ang mga ginikanan, nga suportahan sa mga lider kon gikinahanglan, pweding mangutana sa kabataan ug kabatan-onan kon unsa ang ilang gitrabaho ug sa unsang paagi sila makatabang, apan dili responsable ang mga hamtong sa pag-monitor sa pag-uswag. Pwede nga himoong pribado sa kabataan ug kabatan-onan ang pipila ka mga tumong. Mahimong gamiton sa kabataan ug kabatan-onan ang ilang giya nga basahon, ang Gospel Living nga app, o laing pamaagi nga labing maayo alang kanila alang sa paghimo og mga tumong ug pagpamalandong o pagrekord sa pag-uswag. Tingali magkinahanglan og tabang ang kabataan sa pag-rekord ug paghinumdom sa mga tumong. Kasagaran ang mga ginikanan mohatag niana nga tabang.

Magpadayon ba ang mga interbyu sa kabatan-onan?

Oo. Tinuig nga interbyuhon sa bishop ang mga batan-on sugod sa tuig nga sila mag-edad og 12. Ang bishop (sugod sa tuig nga mag-edad og 16 ang kabatan-onan) o usa sa iyang mga magtatambag (alang sa mas bata nga mga batan-on) kasagaran mointerbyu sa kabatan-onan paglabay sa unom ka bulan. (Tan-awa sa *Tamdanan nga Basahon 1*, 7.1.7.) Agig dugang, ang presidente sa Young Women pweding mohimo og mas dakong tahas sa pagtambag sa batan-ong mga babaye bahin sa mga butang nga wala magkinahanglan og usa ka maghuhukom sa tanan [common judge] ug mga butang nga wala maglakip og pag-abuso. Atol niini nga mga panag-istorya, ang hamtong nga mga lider motudlo sa kabatan-onan mahitungod sa pagkahimong mga disipulo sa Manluluwas. Sila mahimong modasig sa kabatan-onan sa ilang mga tumong ug motanyag og bisan unsang tabang nga gikinahanglan.

Unsa ang Gospel Living nga app?

Ang Gospel Living nga app, nga gidesinyo alang kabatan-onan ug mga hamtong ug maanaa na sa sinugdanan sa 2020, adunay mga himan sa paghimo og mga tumong, paghimo og mga plano, pag-monitor sa kalamboan, ug pagrekord sa mga hunahuna ug mga impresyon. Agig dugang, ang

Kabataan ug Kabatan-onan—Kinatibuk-ang Pagpasabut ug mga Kanunayng Gipangutana

Gisukip sa Nobyembre 17, 2019, nga pahibalo

app maghatag og makapadasig nga mga artikulo, mga ideya sa kalihokan ug tumong, ug pagpadala og mensahe ug pagpakigbahin sa mga sakop sa pamilya, mga korum, ug mga klase. Ang app wala kinahanglana para makaapil sa Kabataan ug Kabatan-onan, ug dili kini para lang niadtong miapil sa mga Kabataan ug Kabatan-onan.

Nakasentro sa pamilya nga mga pangutana

Unsaon nako sa pagtabang ang akong batang anak o batan-on sa pagsugod og personal nga kalamboan?

Makatabang ang mga ginikanan sa usa ka bata o batan-on sa pag-ila kon sa unsang paagi siya gusto nga molambo. Mahimo nilang sugdan pinaagi sa paghisgot mahitungod sa kon unsaon sa pagpangita ug pagdawat og pagpadayag ug sa panag-uban nga pag-ampo alang sa giya. Ang mga kapanguhaan diha sa mga giya nga basahon ug ang Gospel Living app makatabang sa pag-ila sa mga panginahanglan ug interes. Alang sa dugang nga impormasyon, tan-awa sa [*Kabataan ug Kabatan-onan: Usa ka Pasiunang Giya alang sa mga Ginikanan ug mga Lider*](#).

Unsa kaha kon ang akong bata nga anak mawad-an og interes o makadiskubre nga ang usa ka tumong lisud kaayo o dili kaayo haum?

Kon ang kabataan ug kabatan-onan makadiskubre nga ang usa ka tumong dili makapainteres, lisud kaayo, o dili kaayo haum, usahay ang husto nga pamaagi mao ang pagpadayon sa pagpaningkamot. Sa ubang mga higayon ang pagpahiangay sa usa ka tumong o ang pagpili og ikapuli mao ang angay alang sa bata o batan-on. Ang pagka-aktibong mosunod sa ehemplo sa Manluluwas bahin sa paglambo mas importante kay sa pagtuman og pihong mga tumong.

Unsay akong buhaton kon ang akong anak nga lalaki o babaye makakompleto na og usa ka tumong?

Ang mga ginikanan makatabang sa ilang anak nga lalaki o babaye nga makasaulog sa paglambo ug sa pagpamalandong ug pagrekord sa iyang mga hunahuna pinaagi sa pagtubag og mga pangutana sama niini: Sa unsang paagi nga ako milambo? Sa unsang paagi nga ang akong tumong nakatabang nako nga mas maduol sa Manluluwas? Ang mga ginikanan mahimong moawhag sa mga kabataan ug kabatan-onan sa pagdesisyon kon unsaon nila sa paggamit unsay ilang nakat-unan sa pagtabang sa uban.

Mahimo ra ba nga adunay mga tumong sa pamilya agi og dugang sa personal nga mga tumong nga gihimo sa kabataan ug kabatan-onan?

Oo. Ang mga ginikanan tingali makatabang sa ilang mga bata ug mga batan-on nga mopili og mga tumong sumala sa mga panginahanglan sa ilang pamilya.

Kinahanglan ba nga ang kabataan o kabatan-onan kanunay nga mopakigbahin og mga tumong sa mga ginikanan o lider?

Dili. Ang pipila ka mga tumong pribado. Ang mga hamtong pweding mopakita sa ilang kaandam nga motabang samtang magtugot sa bata o batan-on sa pagbaton og pipila ka mga tumong tali sa iyang kaugalingon ug sa Ginoo.

Mahimo bang makaapil ang mga hamtong ug ang mas manghod nga mga bata sa Kabataan ug Kabatan-onan?

Isip mga indibidwal ug mga pamilya, ang mga hamtong ug ang mas manghod nga mga bata makaapil ug makagamit sa mga kapanguhaan alang sa pagkat-on sa ebanghelyo, pagserbisyo ug mga kalihokan, ug personal nga kalamboan sa panimalay. Ang mga hamtong ug ang mas manghod nga mga bata sa kasagaran dili apil sa mga kalihokan nga gipasiugdahan sa simbahan nga may kalabutan sa Kabataan ug Kabatan-onan ug dili makadawat sa Kabataan ug Kabatan-onan nga mga simbolo.

Mga Pangutana nga Pangsuporta sa Simbahan

Pipila ka mga bata ug mga batan-on nga dili mga miyembro sa Simbahan motambong sa among mga kalihokan. Pwede ba silang makaapil sa Kabataan ug Kabatan-onan nga paningkamot?

Siyempre. Ang kabataan ug kabatan-onan kinahanglang modapit sa ilang mga higala nga moapil sa pagkat-on sa ebanghelyo, pagserbisyo ug mga kalihokan, ug personal nga kalamboan. Ug ang mga lider—lakip na ang mga kapangulohan sa korum ug klase sa kabatan-onan—kinahanglang makigtambayayong sa mga ginikanan niini nga kabataan ug kabatan-onan sa pagtabang kanila nga makasabut sa paningkamot ug sa pagtino kon sa unsang paagi sila ug ang ilang mga anak ganahan nga malambigit.

Mahimo ra ba nga adunay mga tumong sa korum, klase, o grupo agi og dugang sa personal nga mga tumong nga gihimo sa mga kabataan ug kabatan-onan?

Oo. Ang kabataan ug kabatan-onan, nga nakigtambayayong sa ilang mga lider, mahimong mopili og mga tumong sumala sa mga panginahanglan sa ilang korum o klase.

Kinahanglan ba nga magpahigayon og tinuig nga miting?

Ang mga bishop mahimong magpahigayon og tinuig nga miting alang sa kabatan-onan ug sa ilang mga ginikanan dapit sa sinugdanan sa matag tuig. Mahimo kining ipahigayon sa ward o stake nga lebel ug mahimong ipahigayon nga magtipon o dili magtipon ang batan-ong mga lalaki ug batan-ong mga babaye. Kinahanglan kining planohon ug idumala sa mga kaabag [assistant] sa bishop diha sa korum sa mga priest ug sa kapangulohan sa kinamagulangang klase sa Young Women. Ang kabatan-onan kinsa mag-edad og 12 niana nga tuig mahimong modawat sa ilang mga simbolo atol niini nga miting.

Wala kinahanglana ang pagpahigayon og tinuig nga miting alang sa kabataan. Ang bishop mahimong mobisita sa klase sa Primary sa kabataan kinsa mag-otso anyos niana nga tuig.

Unsa nga mga kausaban sa mga calling ang gikinahanglan?

Isip tabang para sa mga ginikanan, ang Kabataan ug Kabatan-onan suportahan sa simbahan pinaagi sa kapangulohan sa Primary (alang sa kabataan) ug sa bishopric ug kapangulohan sa Young Women (alang sa kabatan-onan). Kini nga mga lider tabangan sa mga kapangulohan sa korum ug klase ug sa mga hamtong nga gitawag isip mga tigtambag ug mga specialist sa korum o klase (alang sa dugang nga impormasyon mahitungod sa tahas sa mga tigtambag ug sa mga specialist, tan-awa sa *Tamdanan nga Basahon* 2, 8.3.4.; 8.3.6; 10.3.4; ug 10.3.7). Mahimong magtawag og mga lider alang sa kalihokan sa Primary.

Uban sa pagpaila [introduction] sa mga Kabataan ug Kabatan-onan, ug sa pagpahiangay sa kausaban nga gipahibalo sa 2019 Oktubre nga kinatibuk-ang komperensya, ang mosunod nga mga calling hunongon na sa Enero 1, 2020. Kini nga mga lider kinahanglan nga i-release inig-abut o sa dili pa moabut ang Enero 1 uban sa pasalamat alang sa ilang pagserbisyo:

- Gikan sa Primary: mga lider sa Mga Adlaw sa Kalihokan sa Primary [Primary Activity Days leaders], kaabag nga mga lider sa Mga Adlaw sa Kalihokan sa Primary (kini nga mga lider mahimong tawagon isip mga lider sa kalihokan sa Primary).

Kabataan ug Kabatan-onan—Kinatibuk-ang Pagpasabut ug mga Kanunayng Gipangutana

Gisukip sa Nobyembre 17, 2019, nga pahibalo

- Gikan sa Young Women: mga tigtagbag [advisers] sa Beehive, Mia Maid ug Laurel (kini nga mga lider mahimong taggon isip mga tigtagbag [adviser] o specialist kon gikinahanglan aron masuportahan ang bag-ong mga klase sa Young Women); Mga lider sa Personal nga Kauswagan.
- Gikan sa mga korum sa Aaronic nga Pagkapari: presidente sa Young Men sa Ward, mga magtagtagbag [counselors], sekretarya, ug kaabag nga mga tigtagbag (kini nga mga lider mahimong taggon isip mga tigtagbag [advisers] o specialist sa korum sa Aaronic nga Pagkapari).
- Gikan sa Scouting (kon naa): BSA executive nga opisyal, gi-charter [gibutang] nga representate sa organisasyon, komite chair sa Scouting, mga sakop sa komite sa Scouting, Scoutmaster, kaabag nga mga Scoutmaster, 11-anyos nga mga Scout lider, komite chair sa Cub Scout, mga sakop sa komite sa Cub Scout, Cubmaster, kaabag nga mga Cubmaster, mga den lider, kaabag nga mga den lider (pipila niini nga mga lider mahimong taggon isip nga tigtagbag o specialist sa korum o isip mga lider sa kalihokan sa Primary).

Mga Pangutana alang sa Primary

Gikinahanglan ba nga mamemorya sa kabataan ang Artikulo sa Hugot nga Pagtuo isip kabahin sa Kabataan ug Kabatan-onan?

Gi-awhag ang pagmemorya sa mga Artikulo sa Hugot nga Pagtuo apan wala kinahanglana.

Kinahanglan ba nga ang tanang kabataan makadawat sa singsing sa Kabataan ug Kabatan-onan sa 2020?

Ang matag bata nga mag-edad og 8 ngadto sa 11 sa 2020 kinahanglang makadawat sa bag-o nga singsing sa Kabataan ug Kabatan-onan sa 2020. Matag tuig human niana, ang kabataan makadawat sa ilang singsing sa sinugdanan sa tuig nga sila mag-edad og 8 o kon sila mosulod sa programa.

Ang kasamtangang berde nga CTR nga singsing magpabilin nga usa ka bahin sa Primary. Kon ang kabataan magsugod na sa CTR 4 nga klase, ang kapangulohan sa Primary o ang ilang magtutudlo sa Primary mohatag kanila og usa ka berde nga CTR nga singsing.

Kinahanglan ba gihapon kitang magpahigayon sa miting sa Pagpangandam alang sa Templo ug sa Pagkapari?

Oo. Ang kapangulohan sa Primary, ubos sa direksyon sa bishopric, magpahigayon sa miting sa Pagpangandam alang sa Templo ug sa Pagkapari alang sa batang mga babaye ug batang mga lalaki sa klase sa Valiant 10 sa dili pa ang Enero diin sila mobalhin ngadto sa mga klase sa Young Women ug sa mga korum sa Aaronic nga Pagkapari. Alang sa dugang nga impormasyon, tan-awa sa *Tamdanang nga Basahon 2*, 11.5.5.

Mga Pangutana alang sa Young Women

Alang sa dugang nga impormasyon mahitungod sa mga kausaban sa organisasyon nga gipahibalo alang sa Young Women, tan-awa sa YoungWomen.ChurchofJesusChrist.org ug Tamdanang nga Basahon 2, kapitulo 10.

Kabataan ug Kabatan-onan—Kinatibuk-ang Pagpasabut ug mga Kanunayng Gipangutana

Gisukip sa Nobyembre 17, 2019, nga pahibalo

I-recite ba namo ang tema sa Young Women?

Oo. Magsugod ang batan-ong mga babaye sa ilang mga miting sa Young Women sa Dominggo pinaagi sa pag-recite sa bag-ong tema, nga gipahibalo kaniadto sa kinatibuk-ang komperensya ug anaa sa YoungWomen.ChurchofJesusChrist.org.

Aduna ba gihapon kami mga hiyas sa Young Women, motto, logo sa sulo, Ang Bag-ong Sinugdanan, ug Young Women sa Kahamili?

Wala. Sugod sa Enero 1, 2020, kini nga mga elemento sa programa sa Young Women mapulihan sa Kabataan ug Kabatan-onan nga paningkamot. Ang Bag-ong Sinugdanan [New Beginnings] ug Young Women sa Kahamili [Young Women in Excellence] mapulihan sa usa ka tinuig nga Kabataan ug Kabatan-onan nga miting nga ipahigayon alang sa kabatan-onan.

Magpahigayon ba gihapon kami og kamping sa Young Women matag tuig?

Oo. Alang sa dugang impormasyon, tan-awa ang [Young Women Camp Guide](#).

Unsa nga mga baruganan ang among sundon sa pag-organisar sa mga klase sa Young Women?

Ubos sa direksyon sa bishop, ang mga kapangulohan sa Young Women magtinguha og inspirasyon samtang sila mo-organisar sa mga klase sumala sa mosunod nga mga baruganan:

- Giorganisar ang mga klase pinaagi sa paggrupo sa mga ka-edad, ug ang batan-ong mga babaye mouswag tali sa mga klase sa Enero sa tuig nga sila mag-edad sa sunod nga klase. Ang usa ka grupo sa ka-edad mao ang tanang batan-ong mga babaye kinsa mosaka ang edad atol sa tuig sa kalendaryo [calendar year].
- Ang mga gidak-on sa klase determinahon aron mahatagan ang batan-ong mga babaye sa labing maayong mga oportunidad sa pagpangulo. Usa ka presidente, duha ka magtatambag, ug usa ka sekretarya ang kinahanglang tawagon alang sa matag klase. Labing maayo, ang mga klase maglakip usab sa batan-ong mga babaye kinsa mapangalagaran sa kapangulohan.

Alang sa dugang nga mga detalye, tan-awa sa *Tamdanang nga Basahon 2*, kapitulo 10, ug ang pahibalo nga gipetsahan og Oktubre 5, 2019.

Mga Pangutana alang sa mga korum sa Aaronic nga Pagkapari

Alang sa dugang nga impormasyon mahitungod sa mga kausaban sa organisasyon nga gipahibalo alang sa korum sa Aaronic nga Pagkapari, tan-awa sa AaronicPriesthoodQuorums.ChurchofJesusChrist.org ug Tamdanang nga Basahon 2, kapitulo 8.

I-recite ba namo ang tema sa korum sa Aaronic nga Pagkapari?

Giawhag ang batan-ong mga lalaki sa pagsugod sa ilang mga miting sa korum sa Dominggo pinaagi sa pag-recite sa bag-ong tema sa korum sa Aaronic nga Pagkapari, nga nag-ingon:

“Ako hinigugmang anak nga lalaki sa Dios, ug Siya adunay ipabuhat kanako.

“Sa akong tibuok kasingkasing, gahum, hunahuna, ug kusog, akong higugmaon ang Dios, motuman sa akong mga pakigsaad, ug mogamit sa Iyang pagkapari sa pagserbisyo sa uban, sugod sa kaugalingon nakong panimalay.

Kabataan ug Kabatan-onan—Kinatibuk-ang Pagpasabut ug mga Kanunayng Gipangutana

Gisukip sa Nobyembre 17, 2019, nga pahibalo

“Samtang maningkamot ko sa pagserbisyo, magbaton og pagtuo, maghinulsol, ug maglambo sa matag adlaw, ako mahimong angayan sa pagdawat sa mga panalangin sa templo ug sa malungtarung kalipay sa ebanghelyo.

“Ako mag-andam nga mahimong kugihan nga misyonaryo, maunungon nga bana, ug mahigugmaong amahan pinaagi sa pagkahimong tinuod nga disipulo ni Jesukristo.

“Ako motabang sa pag-andam sa kalibutan alang sa pagbalik sa Manluluwas pinaagi sa pagdapit sa tanan nga moduol ngadto ni Kristo ug modawat sa mga panalangin sa Iyang Pag-ula.”

Magpahigayon ba kami og kamping sa korum sa Aaronic nga Pagkapari matag tuig?

Oo. Alang sa dugang impormasyon, tan-awa ang *Aaronic Priesthood Quorum Camp Guide*.

Mga pangutana mahitungod sa pagpasidungog, mga simbolo ug hulagway [imagery]

Unsaon sa mga yunit sa pag-order ug pagdawat sa mga simbolo aron masugdan ang Kabataan ug Kabatan-onan nga paningkamot?

Usa ka porma ang ipadala sa mga yunit sa katapusan sa 2019.

Ang mga kapangulohan sa primary, mga kapangulohan sa Young Women, ug mga tigtambag [advisers] sa korum sa Aaronic nga Pagkapari kinahanglang Ang mga kapangulohan sa primary, mga kapangulohan sa Young Women, ug mga tigtambag [advisers] sa korum sa Aaronic nga Pagkapari kinahanglang magtapok alang sa paghatag og impormasyon sa Klerk sa ward o branch sa gidaghanon og gidak-on sa mga kabataan og kabatan-onan nga mag-edad og 8-18 sa 2020. Ang mga klerk kinahanglang mo-order diha sa store.ChurchofJesusChrist.org/childrenandyouth o pinaagi sa ilang lokal nga distribution center. Ang mga gasto alang sa Kabataan ug Kabatan-onan pabayaran sa mga yunit. Sa 2020, ang tanang uban pang mga simbolo bayaran sa Simbahan. Sa 2021, ug lapas pa, ang mga yunit mo-order sa gikinahanglan nga mga simbolo ug mga materyal pinaagi sa regular nga proseso sa pag-order sa kurikulum. Kini bayaran sa pundo sa lokal nga yunit.

Sa unsang paagi magamit ang logo sa Kabataan ug Kabatan-onan, may kalabutan nga hulagway, ug mga tema?

Ang logo ug ubang biswal nga mga elemento sa Kabataan ug Kabatan-onan anaa na inigka-2020. Mahimong gamiton kini sa personal, dili pangkomersyal nga paggamit. Ang mga indibidwal ug pamilya mahimong mogamit sa logo ug hulagway sulod sa ilang mga panimalay sa pagsuporta sa Kabataan ug Kabatan-onan nga programa. Ang mga stake, ward ug branch mahimong mogamit sa logo ug hulagway alang sa mga kalihokan ug katuyoan sa Simbahan. Sa paghangyo og pagtugot nga mogamit sa logo ug hulagway sa ubang mga sitwasyon, bisitaha ang permissions.ChurchofJesusChrist.org.

Ang kabatan-onan ug mga lider mahimong mogamit sa tema sa korum sa Aaronic nga Pagkapari ug sa tema sa Young Women alang sa personal o Simbahan nga mga katuyoan. Ang komersyal nga paggamit sa mga tema gidili.

Pwede bang mohimo ang lokal nga mga yunit og ilang kaugalingong mga rekisitos ug mga ganti alang sa Kabataan ug Kabatan-onan?

Dili. Ang mga stake, ward ug branch kinahanglang dili moestablisar og mga rekisitos alang sa kabataan ug kabatan-onan aron sa pag-angkon og lokal nga mga ganti.

Unsa kadugay nga ang kabatan-onan makadawat sa mga simbolo sa kalampusan?

Ang mga simbolo sa kalampusan mao ang usa ka panapos nga pagsaulog sa kalamboan sa usa ka indibidwal pinaagi sa Kabataan ug Kabatan-onan. Labing maayo, ang kabatan-on makadawat niini nga mga simbolo sa dihang mogradwar sila sa hayskul, samtang sila nangandam sa pagdawat sa Melchizedek nga Pagkapari o mosulod sa Relief Society, o sa dili pa sila mohawa sa panimalay, kon kana mahitabo nga mas sayo kay sa edad nga 18.

Alang sa dugang nga impormasyon

- Hulyo 15, 2019, pahibalo—[Update sa Kabataan ug Kabatan-onan](#)
- Hulyo 19, 2019, pahibalo—[For the Strength of Youth \(FSY\) \[Alang sa Kalig-on sa Kabatan-onan \(AKK\)\] nga mga Komperensya sa Estados Unidos ug Canada](#)
- Agosto 1, 2019, pahibalo—[Tema sa Kabatan-onan alang sa 2020](#)
- Septyembre 12, 2019, pahibalo—[Dugang nga Impormasyon mahitungod sa For the Strength of Youth \(FSY\) \[Alang sa Kalig-on sa Kabatan-onan \(AKK\)\] nga mga Komperensya sa Estados Unidos ug Canada](#)
- Septyembre 29, 2019, pahibalo—[Kabataan ug Kabatan-onan: Usa ka Espesyal nga Sibya nga Inubanan ni Presidente M. Russell Ballard](#)
- Oktubre 5, 2019, sulat sa Unang Kapangulohan—[Paglig-on sa Mga Korum sa Aaronic nga Pagkapari ug Mga Klase sa Young Women](#)
- Nobyembre 17, 2019—[Kabataan ug Kabatan-onan: Usa ka Face to Face nga Kalihokan uban ni Elder Gerrit W. Gong](#)
- [Kabataan ug Kabatan-onan: Usa ka Pasiuna nga Giya alang sa mga Ginikanan ug mga Lider](#)
- ChildrenandYouth.ChurchofJesusChrist.org